



Huexotzinca, Chalca, Xochimilca, Cuitlahua-
ca, Malinalca, Chichimeca, Tepaneca, Matlatzinca,
Ompa huallaque quinchuayan




Nican icuiliuhtica initlatollo in ompahuallaque in Mexica initocayocan Aztlan. Ca anepantla in ompa huallehuaque ca nauhecalpoltin. Auh inic huallamacchuaya Acaltica in quihualtemaya inimaxoyauh in oncan quizque chicuecalpoltin. Inic cencalpoltin, Huexotzinca: inic oncalpoltin, Chalca: iniquecalpoltin, Xochimilca: inic nauhecalpoltin, Cuitlahuaca: inic macuilcalpoltin, Mallinalca, inic chieuacencalpoltin, Chichimeca: inic chiconcalpoltin, Tepaneca: inic chicuecalpoltin Matlatzinca. In oncan onoca in Colhuacan oncanhaneque catea inic hualpanoque in Aztlan oncan quinhuallantiquizque in Colhuacan inoquimitlaque in chaneque niman oquihuique in Azteca. Totecuiyohuane canammohuica matamechtouhiquilican. Niman oquitoque in chicuecalpoltin, camototecuiyohuane catemech tohiquilizque. Auh niman quitoque in Azteca, ca ye qualli matamechtouhiquilican in Colhuacan quinoncan quihuallantiquizque in *Diablo* in oquimotoitiaya in Huitzilopochtli in huallaque ce cihuatl itoca Chimalma ompa quihualhuicaque in Aztlan nauhecan hualquiztiaque inic hualnenenque



Ce tecpatl xihuitl in huallehuaque in Colhuacan nahuintin in quihualmamaque in *Diablo*, icetlacatl itoca.





Quauhcohuatl, inic ome Apanecatl, iniquey itoca Tezacahuacatl, inic nahui, itoca Chimalman. Inoacico in quahuatl itzintla, niman oncanomotlallique cenca




tomahuac in quahuatl, niman oncan contlallique in talmomoztli ipan quitlallique in *Diablo* inocontlallique niman concuique inimihtac. Auh niman ye tlaquazquia in niman impan poztec in quahuatl niman ic quicauhque in quiquaya cenca huecauhtica in totolloticatea. Auh niman icquinnotz in *Diablo* quimilhui. Xiquinnahuatican inamech huica in chicuecalpoltin xiquimilhuican. Camotiazque zan nican titocuepazque inoquimilhuique cenca tlaocoxque in yehuantin in chicuecalpoltin. Totecuiyohuane campan tiazque catamechtouhiquilia, niman ocepa oquimilhuique, cuamocazaan yazque, nimanicatto hualpeuhque in chicuecalpoltin, ompaqui moncauhque in quahuatlitzintlan huecauhtica in ompa catea zatepan inohualpeuhque inotlica impan oacico in tlatlacatecollo huey *comitlitan* huehuetztoque, ihuan cequintin mizquitl itzintlahuehuetztoque yehuantin in quintocayotia mimixcohua in cetlacatl itoca Xiuhneltzin, inic ome, itoca mimitzin, iniquey incihuatl in hueltiuh oceppa oncan oquinnotz in *Diablo* in Huitzilopochtli quimilhui. Xiquimonanacan in huey comitl in tlancate yehuantin ya cachtitequitizque.





Auh caniman oncan oquincuepilli inin toca in Azteca oquimilhui. In axcan aocmo amotoca in Amazteca yeam Mexica, oncan oquinnacazpotonique inicoqui-
 cuique inin toca in Mexica, ihuan oncan oquimacac in mitl, ihuan tlahuitolli,
 ihuan chicatli in tlein acayauh huelquimina in Mexica, ompa quizaco in cuexte-
 catl ichocayan ihuan in cohuatl icuonac ipan in ome calli xihuitl.






Oncan ceppa impan molpi in xihuitl in cohuatlycamac *cohuatpetl* icpac huetz
 in tlequahuitl ipan in Ome acatl xihuitl.





In niman hualmiquanique in Tellan in Mexica.



Inipan acatli cempohual xiutique in oncan Tollan in Mexica.

